



OPSTEL

GRAAD 6 TOT OPE AFDELING

VERHALEND, BESKRYWEND EN BEREDENEERD

1. VOORSKRIFTE

1.1 ALGEMENE VOORSKRIFTE:

- 'n Deelnemer mag in een of meer kategorieë deelneem.
- 'n Deelnemer skryf in volgens **skoolgraad**, dit wil sê óf in graad 6, 7, 8, 9, 10, 11, 12 óf die ope afdeling (18-25 jaar; dui ouderdom aan).
- **NB! NB!** Dieselfde inskrywings mag **NIE** meer as **een keer** (jaar na jaar) vir die Internasionale Afrikaans-Ekspo ingeskryf word **NIE**. Dit moet **oorspronklike werk** wees wat nog nie voorheen ingeskryf is nie.
- Alle inskrywings moet die deelnemer se eie, selfstandige, unieke en nuwe werk wees.
- **LET WEL!** Die beoordelaars is onafhanklik van die FAK en hulle beslissings vir die finaliste en wenners is finaal en bindend en geen korrespondensie sal daarvoor gevoer word nie.

1.2 VOORSKRIFTE VIR DIE HANTERING VAN 'N INSKRYWING:

- Die paragraaf wat deel is van die inskrywings moet **getik** wees, met die volgende vereistes:
 - › **Font:** Calibri
 - › **Lettergrootte:** 12
 - › **Spasiëring:** 1½
 - › **Kantlyne:** 20 mm rondom
- Bo-aan jou werkstuk/inskriving moet die onderstaande inligting aangebring word. Die inskriving sal punte verloor indien nie hieraan voldoen word nie:
 - › **Naam en van**
 - › **Graad/ouderdom**
 - › **Afrikaans eerste taal (huistaal) / Afrikaans tweede taal (addisionele taal)**
 - › **Kategorie: Opstel (verhalend/beskrywend/beredeneerd)**
 - › **Titel**
- Sien punt 3 in die Algemene Afdeling oor hoe om jou inskriving(s) in te dien.
- Heg die opstel in **pdf-formaat** aan.
- Indien **meer as een inskriving** vir hierdie kategorie ingeskryf word (bv. een leerder wat twee beredeneerde opstelle skryf), moet elke inskriving **apart** ingestuur word, elk met 'n **afsonderlike inskrywingsvorm**.
- 'n **Maksimum van DRIE INSKRYWINGS** per kategorie per leerder word toegelaat. Geen ekstra inskrywings sal aanvaar word of beoordeel word nie. Kies die **beste DRIE** om in te skryf.
- Ons verkies dat geen **handgeskrewe** opstelle ingestuur word nie. Die beoordelaar moet nie sukkel om dit te lees nie.

2. WENKE

2.1 BEREDENERENDE OPSTEL

- Dit handel oor 'n onderwerp waaroor standpunt ingeneem word.
- **BEIDE** kante van die standpunt moet beredeneer word, waarna 'n eie mening gegee word.
- Dit moet objektief en gebalanseerd wees.
- Die inhoud oortuig en ontwikkel logies en helder.
- 'n Gevolgtrekking word bereik.
- Die leser word deur die skrywer se standpunt oortuig.
- Oorredende en emotiewe taalgebruik kom voor.
- Sinstruktuur, spelling, leestekens, taalgebruik, paragrafering moet aandag geniet.
- Doen goeie navorsing.

2.2 BESKRYWENDE OPSTEL

- Waarnemings met al vyf sintuie (sig, klank, gehoor, smaak en aanraking) insluit en 'n goeie woordeskat word vereis.
- Insig, begrip, eie belewing en sinvolheid geniet aandag. (Dus meer as net die opnoem van waarnemings, deeglike beskrywings.) Skep 'n prentjie in woorde.
- Tekste kan varieer van realities na 'n verdieping in die aanbieding.
- Eie gevoelens oor die beskrywing kan gegee word.
- Plekke, gebeure en karakters word presies en akkuraat beskryf.
- Karakters moet lewensgetrou wees: innerlik en uiterlik.
- Beeldspraak, stylfigure, idiome en spreekwoorde word op 'n oorspronklike wyse aangewend.
- Sinstruktuur, spelling, leestekens, taalgebruik en paragrafering moet aandag geniet.

2.3 VERHALENDE OPSTEL

- Hierdie opstel handel oor iets wat gebeur en vertel word ('n storie of gebeurtenis).
- Dit word opreg en met entoesiasme geskryf.
- Die inhoud is boeiend, interessant en samehangend.
- Die vertel-/storielyn ontwikkel logies en die verhaal oortuig.
- Die verhaal word uit eie ervaring geskryf of kan fiktief wees.
- Karakterisering oortuig en die agtergrond/atmosfeer is geslaagd.
- 'n Treffende inleiding wat die leser boei, word vereis.
- 'n Verrassende slot word vereis.
- Sinstruktuur, spelling, leestekens, taalgebruik en paragrafering moet aandag geniet.

3. OPDRAG

Skryf 'n positiewe of humoristiese opstel van jou keuse of oor enige onderwerp geïnspireer deur die tema van die jaar.

- Vir leerders met Afrikaans as Huistaal:
 - > 150 tot 200 woorde vir graad 6 en 7
 - > 200 tot 300 woorde vir graad 8 en 9
 - > 300 tot 500 woorde vir graad 10 tot 12 en ope afdeling
- Vir leerders met Afrikaans as Eerste Addisionele Taal:
 - > 100 tot 150 woorde vir graad 6 en 7
 - > 150 tot 250 woorde vir graad 8 en 9
 - > 200 tot 300 woorde vir graad 10 tot 12 en ope afdeling
- Voorsien die opstel van 'n **Afrikaanse titel**. Die woord "Opstel" is nie 'n titel nie.
- Skryf die **aantal woorde** van die opstel neer.
- Die opstel mag verhalend, beskrywend of beredenerend wees. **NB!!!** Dui op die inskrywingsvorm **aan watter tipe opstel geskryf is**.

BEOORDELING SAL NA AANLEIDING VAN DIE VOLGENDE GEDOEN WORD:

ORGANISASIE EN STRUKTUUR __ / 15	<ul style="list-style-type: none">• Is die doel met die inleiding bereik?• Bevat die struktuur 'n logiese ordening en opbou van inhoud?• Is die slot treffend met 'n gepaste samevatting?
INHOUD EN AANBIEDING __ / 15	<ul style="list-style-type: none">• Is die inhoud genoegsaam en kreatief?• Is daar 'n logiese redenering vanaf die inleiding tot die slot?• Is die inhoud oortuigend?• Dra die inhoud by tot die opbou van die onderwerp?
ONDERWERP __ / 10	<ul style="list-style-type: none">• Is die onderwerpsformulering geslaagd?• Voldoen dit aan die eienskappe van die tipe opstel?
TEGNIESE VERSORGING __ / 10	<ul style="list-style-type: none">• Het die opstel 'n titel?• Is die teks taalversorg en die spelling foutloos?• Word goeie Afrikaans gebruik?• Dra taal en styl by tot die opstel se leesbaarheid?• Is die taalgebruik nuut/opwindend/beeldryk?• Voldoen die inskrywing aan al die vereistes?• Is erkenning gegee aan navorsing of aanhalings?
TOTAAL uit 50